

KOMUNIKATË PËR MEDIA

Statistikat e Tregtisë së Jashtme (STJ), Maj 2025

23.06.2025


Agjencia e Statistikave të Kosovës (ASK) publikon të dhënat lidhur me rrjedhat e eksportit dhe importit për muajin maj 2025.

Deficit tregtar prej 21,5% në muajin maj 2025, krahasuar me maj 2024

Të dhënat nga tregtia e jashtme e mallrave në Kosovë tregojnë për një deficit tregtar prej 21,5% në muajin maj 2025, në raport me periudhën e njëjtë të vitit 2024, gjegjësisht në vlerë prej 523,4 milion Euro, krahasuar me deficitin prej 430,6 milion Euro në vitin 2024. Eksporti mbulon importin me 13,5%.


Eksporti i mallrave në muajin maj 2025 kishte vlerën 81,4 milion Euro, ndërsa importi 604,7 milion Euro, që është një rënie prej (-0,5%) për eksport, si dhe një rritje prej 17,1% për import, duke krahasuar me periudhën e njëjtë të vitit 2024.

Qarkullimi e mallrave në tregtinë e jashtme




Sipas të dhënave të grupeve kryesore të eksportit: 24,4% e përbëjnë metalet bazë dhe artikujt prej tyre; 14,7% e përbëjnë plastika, goma dhe artikujt prej tyre; 13,1% e përbëjnë ushqimet e përgatitura; 9,9% e përbëjnë artikujt e ndryshëm të prodhuar; pijet dhe duhani; 8,2% e përbëjnë tekstili dhe artikujt nga tekstili, etj.

Eksportet sipas sektorëve të grupeve kryesore në vlerë



Ndërsa sipas të dhënave të grupeve kryesore të importit: 13,0% e përbëjnë makineritë, pajisjet mekanike dhe elektrike; 12,6% e përbëjnë mjetet e transportit; 12,3% e përbëjnë ushqimet e përgatitura, pijet dhe duhani; 11,0% e përbëjnë metalet bazë dhe artikujt prej tyre; 9,9% e përbëjnë produktet minerale; etj.

Importet sipas sektorëve të grupeve kryesore në vlerë



Eksportet dhe importet sipas vendeve në vlerë dhe %

(në mijë Euro)

Vendet	Maj - 2024		Maj - 2025	
	Vlera	%	Vlera	%
	Eksportet (FOB)			
Gjithsej	85,685	100.0	81,359	100.0
27 vendet e BE_së	28,298	33.0	28,962	35.6
Cefta	39,716	46.4	34,541	42.5
Të tjera	17,671	20.6	17,856	21.9
Importet (CIF)				
Gjithsej	516,333	100.0	604,721	100.0
27 vendet e BE_së	234,620	45.4	265,124	43.8
Cefta	67,364	13.0	69,613	11.5
Të tjera	214,349	41.5	269,984	44.6

Eksportet dhe importet e Kosovës në vendet e BE-së

Eksportet e Kosovës në vendet e BE-së arritën në 29,0 milion Euro, ose rreth 35,6% e eksporteve të përgjithshme, me një rritje prej 2,3%. Partnerët kryesorë për eksportin e mallrave në BE ishin: Gjermania (12,5%), Italia (3,5), Holanda (3,1%), etj.

Importet e Kosovës nga vendet e BE-së ishin rreth 265,1 milion Euro, ose 43,8% e importeve të përgjithshme, me një rritje prej 13,0%. Importet me pjesëmarrje më të lartë ishin nga: Gjermania (14,6%), Italia (5,1%), Polonia (5,1%), etj.

Eksportet dhe importet e Kosovës me vendet e CEFTA-s

Eksportet e Kosovës me vendet e CEFTA-s arritën në 34,5 milion Euro, ose 42,5% të eksporteve të përgjithshme, me një rënie prej (-13,0%). Partnerë kryesorë për eksport nga vendet e CEFTA-s ishin: Maqedonia e Veriut (14,8%), Shqipëria (13,6%), Mali i Zi (6,5%), Serbia (6,1%).

Importet nga vendet e CEFTA-s arritën në 69,6 milion Euro, ose 11,5% të importeve të përgjithshme, me një rritje prej 3,3%. Vendet me pjesëmarrje më të lartë për import ishin: Maqedonia e Veriut (3,7%), Serbia (3,4%), Shqipëria (3,3%).

Eksportet dhe importet e Kosovës me vendet e tjera të botës

Eksportet e Kosovës me vendet e tjera të botës arritën në 17,9 milion Euro, ose 21,9%. Si partnerë më të rëndësishëm nga këto vende për eksport ishin: Zvicra (11,3%) dhe Turqia (4,1%).

Importet e Kosovës me vendet e tjera të botës arritën në 270,0 milion Euro, ose 44,6%. Vendet me pjesëmarrje më të lartë për import në këtë grup ishin: Turqia (14,4%) dhe Kina (12,1%).

Për më shumë informata, lidhur me Statistikat e Tregtisë së Jashtme për muajin maj 2025, vizitoni: <https://ask.rks-gov.net/Themes/ForeignTrade>